

Morning Dogri (NSD) National News Bulletin 01-04-2025

आकाशवाणी

- प्रधानमंत्री नरेन्द्र मोदी होर अज्ज नमीं दिल्ली च चिल्ली दे राष्ट्रपति गेब्रीयाल बोरिक फॉन्ट हुंदे कन्नै गल्लबात करगंन।
- राष्ट्रपति द्रौपदी मुर्मू होर अज्ज भारतीय रिजर्व बैंक दी 90मीं ब'रेगंड समारोह दे समापन सत्र च शामिल होंगन।
- मध्यप्रदेश दी धार्मिक थाहरें सनें ग्राम पंचायतें हेठ पोने आले इलाकें च शराब उप्पर पूरी चाल्ली पाबंदी अज्ज थमां लागू।
- ओपेशन ब्रह्मा तैहत्त भारत नै म्यांमार प्रशासन गी 50 टन मनुक्खी मदाद ते आपदा राहत सरबंधी सामग्री सौंपी ऐ।
- मौसम विभाग नै इस ब8रे अप्रैल थमां जून तगर देश दे मते सारे हिस्सें च सामान्य शा मता तापमान रौहने दा अनुमान जताया ऐ।
- थबहार इस ब'रे अगस्त म्हीने च हीरो एशिया कप हाकी-2025 दी मेजबानी करोग।

<><><><><><>

WPL

चिल्ली दे राष्ट्रपति ग्रोबयल बोरिक फॉन्ट अज्ज थमां भारत दी 5 रोजा यात्रा उप्पर औंगन। उंदे कन्नै इक उच्च स्तरीय प्रतिनिधिमंडल बी औग जेह्दे च मंत्री, संसद सदस्य, बपार संघ ते भारत चिल्ली सांस्कृतिक सरबंधें कन्नै जुड़े दे प्रमुख चिल्लीवासी शामिल होंगन। राष्ट्रपति दे रूपै च बोरिक हुंदी एह् भारत दी पैहली यात्रा होग। इस दरान राष्ट्रपति बोरिक अज्ज दपैहरी प्रधानमंत्री नरेन्द्र मोदी हुंदे कन्नै भारत-चिल्ली सरबंधें दे व्यापक पैहलुएं उप्पर चर्चा करगंन। बोरिक होर राष्ट्रपति द्रौपदी मुर्मू हुंदे कन्नै बी मलाटी करगंन, जेड़ियां उंदे सम्मान च धाम दा आयोजन करगंन। राष्ट्रपति बोरिक 5 अप्रैल गी चिल्ली परतोने शा पैहले आगरा, मुंबई ते बेंगलुरु बी जांगन ते सियासत, बपार ते उद्योग कन्नै जुड़े दे प्रतिनिधिएं कन्नै मलाटी करगंन।

<><><><><><>

President

राष्ट्रपति द्रौपदी मुर्मू होर अज्ज भारतीय रिजर्व बैंक दी 90मीं ब'रेगंड समारोह दे समापन सत्र च शामिल होंगन। रिजर्व बैंक नै गलाया ऐ जे इस कार्यक्रम च केन्द्री मंत्री ज्योति रादित्य सिंधिया, महाराष्ट्र दे मुख्यमंत्री देवेन्द्र फडणवीस ते होर दुए मन्नी परमन्नी दियां हस्तियां शामिल होंगन। बैंक दे गवर्नर संजय मल्होत्रा सुआगती भाषण देंगन। राष्ट्रपति होरें जंदी संजा मुंबई पुज्जियां ते राज्यपाल सी.पी.राधा कृष्णन ते उपमुख्यमंत्री एकनाथ शिंदे होरें ब्हाई अड्डे उपपर उंदा सुआगत कीता।

<><><><><><>

Madhya Pradesh

मध्यप्रदेश च 14 धार्मिक थाहरें ते ग्राम पंचायतें हेठ औने आली थाहरें जिंदे च उज्जैन, ओमकारेश्वर, महेश्वर ते माइहार शामिल न, इत्थें शराब उपपर प्रतिबंद अज्जै थमां लागू होई गेआ ऐ। इक सरकारी अधिकारी नै पुष्टी कीती ऐ जे उज्जैन, ओमकारेश्वर, महेश्वर, मंडलेश्वर, ओरछा, मैहर चित्रकूट, दतिया पन्ना, मंडला, मुलताई ते अमरकंटक दी शैहरी सीमा च सब्बै शराब दी दकानां बंद रौंहगन। बीजेपी सरकार नै इस 19 ग्रामीण क्षेत्रंग ी पूरी चाल्ली पवित्र घोशत कीता ऐ। इंदे अधिकार क्षेत्र च शराब उपपर पूरी चाल्ली पाबंदी लाई दिती ऐ।

<><><><><><>

Pension

केन्द्र सरकार दे कर्मचारिएं आस्तै उकीकृत पेंशन योजना कल्लै थमां लागू कीती जाग। केन्द्र सरकार न यूपीएस गी राष्ट्रीय पेंशन बवस्था दे तैहत इक विकल्प दे रूपै च पेश कीता ऐ। पेंशन फंड नियामक ते विकास प्राधिकरण नै हाल व गै यूपीएस दे संचालय दे नियमें गी अधिसूचित कीता हा। एह नियम केन्द्र सरकार दे कर्मचारिएं गी त्रऊं समूहें कन्नै सरबंधत न। पैहलद श्रेणी च 1 अप्रैल 2025 तगर सेवा च मजदूर केन्द्र सरकार कर्मचारी शामिल न, दूई श्रेणी च ओह कर्मचारी होंगन जेहड़े 1 अप्रैल मगरा सेवा च भर्ती होंगन ते त्रीह श्रेणी च ओह कर्मचारी होंगन जेहड़े एनपीएस दा हिस्सा हे जे इस म्हीने दी 31 तरीक जां इस मिमां पैहले रटैर होई चुके दे न। साढ़े संवाददाता नै दस्सेआ ऐ जे इस स्कीम कन्नै 23 लख केन्द्र सरकार दे कर्मचारिएं गी लाह थ्होग।

<><><><><><>

DP Brahma

टोप्रेशन ब्रह्मा तैहत्त कल यगोन च आईएनएस सतपुरा ते आईएनएस सावित्री आस्सेआ लेई जाने आले 50 टन मनुक्खी मदाद ते आपदा राहत समेयान गी म्यांमार दे अधिकारिणं गी सौंपेआ गेआ। राहत समेयान म्यांमार च भारत दे राजदूत अभय ठाकुर होरें भेंट कीता। सोशल मीडिया पोस्ट च यंगीन च यूरोपतिक भारतीय दूतावास नै आखेआ ऐ जे भारतीय वायु सेना दे 6 ज्हाजें ते 5 भारतीय नौसेना दे ज्हाजें कन्नै भारत नै बड्डे पैमाने उप्पर पैहले प्रतिक्रिया दिंदे होई यंगोन, नैपिताव ते मंडले च मदद दित्ती ऐ।

<><><><><><>

Zelensky

यूक्रेन दे राष्ट्रपति बोदिमीर जेलेंस्की होरें बुच शिखर सम्मेलन दे मगरा स्पीकरें ते सांझेदार मुल्खें ते यूरोपीय संसदें दे प्रतिनिधिणं कन्नै इक खास बैठक कीती। इक सोशल मीडिया पोस्ट च जेलेंस्की होरें आखेआ जे बैठक च शामिल होए दे सदस्यें इकमत न ते यूरोप, रूस-यूक्रेन युद्ध दे नैतिक नतीजें गी नेई भुलोग ते रूस गी जिम्मेदारी थमां मुक्त नेई कीता जाई सकदा। उनें अगो आखेआ जे बुचा, मरिडपोल ते शैहरें ते ग्राएं च जो होआ उसी सामान्य करना ना-मुमकन ऐ।

<><><><><><>

Shirby

शर्ली बोचवी अज्ज राष्ट्रमंडल दे 7में महासचिव दे तौरा पर कम्मकाज संभाली लैंगन। एह्दे कन्नै ओह् अफ्रीका दी पैहली महिला बनी जांगन जेह्डी इस दफ्तर गी संभालगन। सुश्री बोचवी होरें गी कूटनीति च 20 बरें दा तर्जुबा ऐ। अंतर्राष्ट्रीय रिश्तें, शासन ते लोक सेवा दे क्षेत्रें च उनें अपनी सेवा प्रदान कीती दियां न। एह्दे थमां पैहले ओह् जनवरी 2017 थमां जनवरी 2024 तगर घाना दी विदेश मामले ते क्षेत्रीय एकीकरण मंत्री दे तौरा पर कम्म कीता ते घाना दी राष्ट्रीय सुरक्षा परिषद दी सदस्य बी ओह् रेइयां। महासचिव गी राष्ट्र मंडल दे लीडरें आस्सेआ नामजद कीता गेदा ऐ ते ओह् हर इक 4-4 बरें दे मते शा मते समें दे दो कार्यकाल लेई कम्म करी सकदा ऐ।

<><><><><><>

IMD

भारतीय मौसम विभाग नै इस ब'रे अप्रैल कोला लेइयै जून म्हीने दरान मुल्खे दे केई हिस्सें च बद्धोबद्ध तापमान सामान्य कोला उप्पर रौहने दी पेशगोई कीती ऐ। उआं भारत दे किश हिस्से जिंदे च दक्खन महाराष्ट्र, केरल, कर्नाटक ते ओडिशा, पच्छिम बंगाल ते जम्मू कश्मीर दे किश हिस्से शामिल न, इनें इलाकें च तापमान सामान्य श । घट्ट रौहनेदी मेद ऐ। मैहकमे दे डरैक्टर जनरल मृत्युजय मोहापाशा होरें आखेआ ऐ जे इस अवधि दरान मते होर इलाकें च घट्टोघट्ट तापमान बी सामान्य कोला उप्पर रौहने दी संभावना ऐ। उनें आखेआ जे अप्रैल थमां जून तगर मुल्खे दे उत्तर ते पूर्वी क्षेत्र दे केई हिस्सें च मध्य भारत ते उत्तर-पच्छिम भारत दे मैदानी इलाकें च लूह चलने आले जबरदस्त गर्मी कन्नै 2 जां 4 दिन बद्ध होंगन। डॉ. मोहापात्तरा होरें आखेआ जे आम तौरा पर भारत च बड़ी मती गर्मी आले 4 शा 7 हीटवेव दिन हुंदे न। इस बारी चलने आले इनें दिनें च बाद्धा होई सकदा ऐ। उनें एह बी आखेआ जे इस ब'रे अप्रैल म्हीने च बरखा दे आसार सामान्य न।

<><><><><><>

Bihar Asia Cup

थ्वहार मर्दे दे हाकी हीरो एशिया कप 2025 दी मेजबानी हाकी इंडिया दे सैहयोग कन्नै करोग। एह एशियाई कपदी 12मां संस्करण होग। पटना च अज्ज हाकी इंडिया ते बिहार स्टेट स्पोर्ट्स अथारिटी बश्कार समझौता पत्र पर दस्तखत कीते गे। एह कार्यक्रम 29 अगस्त ते 7 सितम्बर 2025 बश्कार आयोजित कीता जाग। दक्खन कोरिया, भारत, पाकिस्तान, सनें कुल 8 टीमां इस प्रतियोगिता च हिस्सा लेंगन।

<><><><><><>

IPL

आईपीएल टी-20 क्रिकेट मैच मुंबई इंडियन्स नै जंदी रातीं मुंबई दे वनखेडे स्टेडियम च कोलकाता नाईट राईडर्स गी 8एं विकटें कन्ने हराई दित्ता। मुंबई इंडियन्स नै 117 रंजे दे नशाने गी 12.5 ओवरें च बड्क्री गै सखल्ले हासल कीता ते सिर्फ 2 विकटां मुहाइयै 121 रंज बनाई लैते। मुंबई टीम दे सलामी बल्लेबाज रेयान रिकेल्टन नै 41 गेदें च नाबाद 62 रंज बनाए, जिल्ले के सूर्य कुमार यादव होरें इस जित्त च 27 रंजें दा योगदान दित्ता।

<><><><><><>